

趙城縣志

地 160.217

34

1-8

趙城縣志序

劉知幾以作史貴擅三長志與史相表裏雖所書山川都邑人物風土不必盡如史之編年紀月也然亦無非記事記言本紀傳而稱實錄則所謂三長若才

若學若識者或一缺焉謝不敏矣在趙則更有五難焉袁松之言五難謂煩而不整俗而不典書不實錄賞罰不中文不勝質固已邑志自

國朝順治十六年安君錫祚



脩輯以來越今百餘年無
論簡編殘缺糗稜不可識
觀其叙言及所輯各類由
明之季兵火頻遭先時故
實難徵文獻傳什一於千
百亦時會之所值耳不純
不脩又何譏焉此其難一

也昔之典籍既乏考稽今
之老成誰與授受徒於空
山風雨之餘課虛無以責
有叩寂寞以求音也此其
難二也通志凡例言山西
舟楫不通書賈絕跡自來
少收藏家趙以叢爾邑諸

生講學經史而外博覽無多而名山古蹟之紀載遍諮焉而究無所得僅守殘缺略補糝稜胡爲乎此其難三也趙當南北之衝冠蓋逞來馳驅絡繹階既乏三長之具又不獲時承筆

研稽典冊冀得鴻儒碩學以助不逮而鄙予落落知交益寡此其難四也一邑之志一邑之事也經費不下千緡既無閒款可以動支又未敢以向無成例者冒昧具請此其難五也則

所云五難又匪直袁松之
所言矣階以戊寅三月之
杪抵趙邑之紳士即以纂
脩斯志爲言未之許也越
明年公舉詞以請且言邑
有存費係城鄉義會拔取
歲月積之以爲公事用各

有典守以此纂脩邑志俾
百年廢墜一旦作興公事
孰大焉時 郡中憲秦 公興過趙階
於行館面陳其事蒙許可
因城東隅梵宇名紫竹林
者開館焉縉紳耆舊各董

厥事初呈藁於
中憲并請叙以光下邑奉
諭邑之志賢令事也可不
列府廳銜名毋須叙階不
敢更有請開雕於己卯十
月朔日訖工於庚辰八月
望日凡三百旬有五日書

凡二十四卷爲類五十有
一卷首末不計焉嗟嗟階
乏三長更承五難邑之賢
士大夫不憚風雨寒暑蚤
作夜思以助予不逮者實
繁有徒而公項不敷尚三
之一未敢以是更問之襄

事而捐清俸以償焉階思
我

朝開國以至於今重熙浹累
治化彰明山川靈異益騰
光怪其中人文蔚起忠義
奮興下及蔀屋茹簷匹夫
匹婦繩樞甕牖徒步單寒

凡沐教化觀感中和而爲
孝子悌弟義夫節婦者書
之不勝書也非是舉也將
潛德幽光若滅若沒其何
以黼黻

皇猷輝煌


至治而見窮鄉僻壤潛孚默化

於不自知乎我
皇上聖神文武御極二十五年
中文教之所漸摩武衛之
所奮發俱運以聰明睿知
之德使玉關二萬里外盡
入版圖亘古未有之勲一
朝耆定

命使周旋多經下邑而陵廟祭
告若女媧若中鎮在茲邑
者均得敬謹登載承乏微
員駿奔執事亦邀名籍又
不特邑人之幸矣故不辭
譎陋拜手稽首而颺言焉
告

龍飛乾隆二十五年歲次庚辰
八月中宵知山西平陽府
趙城縣事四川成都府郫
縣丙午科舉人李升階謹

序



叙

敬庵李又臺名魁筮仕於淵初授
括蒼之景寧溪山窮谷中事簡民瀟
臥理之而風俗人心益以敦厚
當事矜其才域於垣而不以爲辰驥
足旋調之陰蓋繁劇難治以爲而
靜鎮之森若紛說者謂擅剽楊以之

趙城縣志

卷首 楊序

而竝用之長吾謂不必盡然中胥主
而事不擾純且德運才者正繼而告
艱太服闋奉

簡命來晉初署永寧州甫三月而補授趙
城永以民如失又母正遮衛攀轅揮
涕月送於遠既至趙問民疾苦視學
校震泉趙洪二邑之命築治渠堰補

脩涇隍種植樹木雖當南北之衝應
接不暇日與諸生講學較課且籌膏
火日延師授讀故趙之士駸々乎南
國之心文焉億後公來見邑志慨然
太息公欲纂脩之時日歲歉未之舉
繼而邑之薦紳具辭請始獲議行越
十月而告成公且捐廉俸以補公項

以不足於是邑以志存全書焉嗟
琴堂華落獄地森々對此霍雨羅雲
縱橫上下固不足為公異獸於簡編
殘缺之餘存什一於千百者而此類
屬詞如披雪錦足使山川景物益著
光華不特土地人民聿昭豐美一邑
文獻之傳見

聖在生成之效
定日者輶軒下采
一歌一咏足供
鼓歛億亦何牽
而得與於斯
峯

龍飛乾隆庚辰八月下浣之吉
趙城縣教諭
李家晚生平陸楊二億頓首
率撰



原叙

縣之有志由來尚矣山川之形勝英賢之崛起與夫賦稅多寡戶口登耗風俗淳漓上下千古犁然俱備觀風問俗者一披覽焉瞭如指掌後之君子景企前哲得以追模觀型志顧不重哉雖然其在篇殘簡斷之時懿行榮名往往衰闕則賴有脩明其人至於明備之日文獻昭著必欲復加較訂焉不幾爲贅龐與不知山川如故風會日移後之視今亦猶今之視昔苟其風氣有必開之先雖雲物川岳亦騰光氣而況

趙城縣志

卷首 安序

一

節義時存士夫三代不絕閭閻者乎若然則志又安可以不脩哉余筮仕初任簡邑甫下車見夫凋敝之後民雖貧苦而生齒猶不至虛耗且其人皆敦本力田樸簡相安穆然見唐風之遺焉迨至春秋躬祀先哲瞻仰遺祠如藺相如豫讓樊噲紀信諸賢莫不俯仰浩歎慨然想見其爲人唯時邑紳士輩屢以增補志書爲請余因固陋兼以樗櫟之材值衝疲孔道諸務蝟集日每飲冰茹蘄執掌簿書中拮据不遑謝不敏者再四會己亥歲兩蒙

府檄取縣志舊載所未備余因旁求紳士採集成帙而更得博學介眉公董其事凡一端之善不敢或泯務期名必當實足爲世道人心所嘉賴外是而粉飾華詞文雖爾雅擯弗錄焉事竣邑之紳士又進而謀曰若者旣載入府志矣而縣志不可使闕畧不備余應之曰是也是役也特以補前之所未備非敢曰塗飾丹青踵事增華爲也至於風氣聚而日厚人文積而必宣今人不讓古人後人尤不讓今人則生當此地者流連往哲濯磨自勵當不止觀型追模已也茲

囑余爲叙余旦夕就道閱歷四載幸免罪戾因紀事之始末附於簡端云

順治十六年知趙城縣事陽邱安錫祚序

原序

龍飛二載上元前兩日奉

命芻牧茲土入國問誌紳衿吏胥咸以運步劫灰原板銷落爲解余意志之爲書記往蹟而詔來世誌缺則歷代因革無憑稽覈余弗敏承斯邑之乏將奚所持循以爲撫土安民計乎自夏徂秋邦人耆舊訪咨殆遍或索諸宦裔家藏冊皆少緒失末或得之公署暗寄板亦有稜無字閱歷經年拮据萬狀始得會集成帙政餘三復省覽輿圖廣狹由來定制風俗淳漓氣化推遷爵秩崇卑隨時俯仰固罔庸輕擬筆削亦靡敢妄施點攢惟是寬徭薄賦拔茅泰征迺

趙城縣志

卷首

秦序

一

聖主浩蕩之新恩當敬謹纂入俾家喻戶曉以振遺黎遂不避譏陋補新型之未載脩舊章於旣脫使前徽不墜獲藉觀劇云爾其諸宮宇圯廢壇廟傾欹工溥費繁鴻雁甫定固不當驟商興作以勞呻吟未息之蒸衆尤不忍陡恣營建以糜瘡痍未起之血膏積此運數返陂益厚生齒由耗漸蕃人文因衰浸盛產斯地者必有煥乎改觀之英杰蒞斯治者抑必有更始恢

廓之令猷乘舒長之化日其輯備救弊又非醯雞夏
蟲之識之所可計也審是則余下吏補脩之隱衷有
志爾未逮者庶幾其少慰矣若夫山川之秀麗才望
之貞烈發之詩辭而形之詠歌者實未敢謬爲續貂
以貽弄斧之誚也已

順治二年十一月望旦之吉知趙城縣事秦嘉兆序

趙城縣志

卷首

秦序

原序

夫誌記也所以紀事實備觀覽昭勸懲也諸省及郡邑咸有志卽古之列國史宮室城池職官之類山川陵谷險夷之處地理輿圖廣狹之制戶口土田錢穀多寡之數人才所出物類所產風俗之美惡好尚之同異靡所不載政之大務也孔子言夏禮謂杞不足徵以典籍不存也蕭何入秦先收圖籍可謂知大計矣壬戌歲予尹是邑詢及志皆曰已爲斷簡予竊憂之乃與教諭王君念搜於零落之餘乙丑歲已集錄

趙城縣志

卷首 賀序

成稿將付諸梓朝廷憂臨邑被寇患民多瘡痍遂改余知臨以撫之未遑刻也乃遺俸金屬玉趙二廣文成之岐山竇君經繼王君來諭邑庠有學行余復屬之校正差訛刪益繁缺焉是歲冬王趙二君幕友林君各捐資鳩梓人於肆供其餼廩程其工能越來歲三月梓已成帙其綱凡八其目凡六十有二披卷之餘趙之山川形勝土田戶口人才政事風俗好尚盡在目中矣夫誌豈徒哉生斯土者觀之必曰古有哲人名昭史冊風氣之所鍾也今山川之勝如故也吾